


廬山紀事



漢書門	
二	三
九	五
一	七
〇	號
架	函
冊	類

內閣文庫	
三	三
九	五
函	冊
九	〇
架	冊
冊	號
類	書

內閣文庫	
番號	漢 2357
冊數	10 ( 9 )
函號	292 47

十一





廬山紀事卷之十一

廣陵系

山北自分水嶺西行至嶺末

烏龍潭

松光嶺之西北有烏龍潭


山疏烏龍潭凡三潭在牯牛嶺北遂谷中上兩潭皆

高數十百丈有蟲如鮒而黑長三四寸曰龍鱗下潭

稍平夷其傍有大石曰霖石東林寺祭龍之所也

大馬鞍山在中潭北小馬鞍山在下潭北

初慧遠之立東林寺也烏龍潭龍實與有力焉寺既





立遠與龍約歲一。致祭。今東林寺僧每歲六月以蔬食奠而投諸潭。中日送龍飯。有不潔。度水輒湧。食出。寘石上不食之矣。

烏龍潭水逕分水嶺西北流與石門壩水合

龍潭菴臥雲寺上方塔

烏龍潭水之北傍破口而居者曰龍潭菴。其西為臥雲寺。郡志臥雲寺元僧東岩建。我一明僧宗元行淳繼脩。分水嶺之西有耶舍塔。繙經臺。

山疏耶舍塔并塔院西域僧佛馱耶舍建。竝廢。

繙經臺在塔院西。晉謝靈運繙經處也。靈運以此

涅槃經繙為南本。凡三十二卷。臺今廢。

繙經臺南一為舍利塔院。內有舍利塔。

山疏舍利塔即上方塔。在平岡之巔。初西域僧佛馱

跋陀羅自其國以佛舍利五粒來。瘞於此山。在東林

上。故曰上方。

虎跑泉在塔院左。慧遠年譜。義熙四年師與社賢遊

上方塔。患水遠有虎跑石出泉。

南唐彭演記。大元帥齊王慶肖紫微瑞胤。天派遣隨

伸屈知任。方圓性珠自明。忍草常茂。每聞良會。即捨

淨財。所謂汪洋灑海之波瀾。粉飾仁祠之岐路者也。



佛馱跋陀羅此土即覺賢本姓什氏迦羅衛國人也  
甘露梵王之苗裔初從祖鳩婆利出家以習誦為業  
後與僧伽達多共遊罽賓同處積歲常於宴坐屢見  
神通虔叩玄微方知得不還果時有秦沙門智嚴德  
觀等西往罽賓請一德士東歸開發西意僉曰非佛  
馱跋陀羅不可賢既受請遂之長安講讚大乘咸覲  
玄奧忽爾西望白衆曰適見東國五舶俱來衆皆責  
其虛誕遂出之廬山未久五舶俱至共服其靈通即  
持佛舍利五粒建塔于寺北上方其后宋武帝迎赴  
金陵譯華嚴觀佛三昧海沈洹等經論一十五部

元嘉十七年乙亥歲終于京師春秋七十三其舍利  
塔至開元十七年御史何光建與江州牧柳真望重  
建又感舍利十四粒保大甲寅王特捐請俸儼矧洪  
基鴈塔干霄鳧鐘響谷其四望也前對鑪峯後枕佛  
影堂左窺甘露之堂右瞻白蓮之沼塔內雕瑞相一  
軀及供養貝蒲香花珍果等保大六年歲次丙辰庚  
申朔奉命記

東林寺

繡經臺又南下為東林寺

山疏東林寺者晉沙門慧遠之道場也十八高僧



初慧遠自樓煩至廬山結菴於西林之東以居曰龍泉精舍其後刺史桓伊為之請立寺曰東林而名其殿曰神運焉宋張天覺神運殿記釋迦文佛殿徧天下無慮萬計而此殿獨曰神運何也初遠法師過江將適羅浮宿廬山逆旅感山神托夢徘徊登覽溪流散漫無足慮者一夕雷雨晦冥山水暴至向之中流化為平陵花木羅列其上九江太守桓伊聞而神之為之請建寺以居神運之名蓋得諸此云

唐崔黯復東林寺碑松門千樹嵐光熏天蜩聲沸湍鳴松籟泠然可別

寺有白蓮社以脩淨土

山疏般若臺白蓮社慧遠與劉遺民輩脩西方處也白蓮社謝靈運種蓮處也高賢傳靈運心服慧遠為之鑿池植蓮其中

廬山記慧遠住東林絕塵清勝之賓不期而至高賢傳真信之七百二十又三人劉遺民輩十八高賢為之冠共脩淨土劉遺民著發願文

其人儒六人曰劉程之雷次宗周續之宗炳張詮張野宋書南史劉程之者彭城聚里人也字仲思宋高祖號之曰遺民云少孤事母以孝聞體貌冲遠虚心方



外周覽百氏得老莊要旨邁往自負不靡於俗雖餒瘠在躬鋸斧當前意湛如也嘗為柴桑令已乃棄之入匡山依釋慧遠居西林北澗上與雷次宗輩同脩西方力辭薦辟專心禪思安貧守素研極幽眇纔半歲即於定中見佛光煥映天地如黃金色後二十年庚戌正月寢疾六月初見阿彌陀佛以手接引心甚喜私念欲得摩頂佛即又為摩頂覆以金伽梨衣已又見身入七寶池飲八功德水既寤覺身有異香二十七日西向端坐而逝程之發願文維歲在攝提秋七月戊辰朔二十八日乙未濺師釋慧遠貞感幽

霜懷特發乃命同志息心真信之士百二十三人集於廬山之陰般若臺精舍阿彌陀佛像前率以香花敬薦而誓焉惟斯一會之眾夫緣化之理既明三世之傳顯矣遷感之數既符善惡之報必矣推交臂之潛淪悟無常之期切審三報之相摧知險趣之難拔此其同志諸賢所以夕惕宵勤仰思攸濟者也蓋神可以感涉而不可以跡求必感之有道則幽路咫尺苟求之無方則渺茫何津今幸以不謀而僉心西境扣篇開信亮情天發乃機象通於寢夢欣懽百於子來於是靈圖表暉景侔神造功由理借事非人運茲



實天啓其誠冥數來萃者矣可不克心重精疊思以  
凝其神慮哉然景績參差功德不一雖晨祈云同夕  
歸攸隔卽我師友之眷良可悲夫是以慨焉脊命整  
襟灑堂等施一心停懷冥極誓茲同人俱遊絕域其  
有警出絕倫首登神界則庶獨善於雲嶠兼忘於淵  
谷先進之與後非勉思彙征之道然後妙觀大儀啓  
心眞照識以悟新形由化革藉芙蓉於中流蔭瓊柯  
以詠言飄雲衣於八極汎香風以躡年體忘安而彌  
穆心超樂而自怡臨三塗而緬謝傲天宮而長辭紹  
靈靈以繼軌指大息以爲勸效道也豈不以

宋書南史周續之字道祖其先鴈門廣武人也續之  
八歲喪母哀戚過於成人奉兄如事父從豫章太守  
范甯受業通五經并緯候號曰顏子旣而閒居讀老  
易入廬山事沙門釋慧遠布衣蔬食終身不娶辟撫  
軍參軍徵太學博士並不就江州刺史劉柳薦之曰  
臣聞輝耀和肆必在兼城之寶翼亮本宗宜紆高世  
之逸是以涓濱佐周聖德廣運商洛匡漢英業乃昌  
伏惟明公道邁振古應天繼期游外暢於實內體遠形  
于應近雖汾陽之舉輟駕於時艱明揚之旨潛感於  
竊谷矣竊見處士鴈門周續之清真貞素思學家深



弱冠獨往心無近事性之所遺榮華與饑寒俱落情之所慕巖壑與琴書共遠加以仁心內發義懷外亮夢留崑丘誠著桃李若升之宰府必鼎味斯和濯纓儒官亦王猷遐緝臧文不知矢在降賢言偃得人功由升士願照其丹款不以人廢言辟為太尉掾不就高祖鎮彭城遣使迎之禮賜甚厚每稱之曰心無偏吝真高士也既踐祚召至京師為開館東郭門外數幸問特號通隱

宋書南史雷次宗字仲倫南昌人也博學明詩禮不就徵辟立館東林與慧遠居嘗有書與子姪曰吾少多病又性好閒雖在童年志栖物表弱冠入廬山事釋和尚于持師友淵源務宏聖遣玩心佛理夜以繼日樂而忘憂二十餘載淵匠既傾良朋凋喪續以暴逆心慮荒衰遂與汝曹歸耕隴畔山居十年齒逾知命前途幾何及今耄未至昏尚可厲志成來生之津梁偷樂空閒宿心所志汝等冠娶已畢吾復何憂但願守全以保令終自今家務大小一勿見關于平之言可以為灋宋文帝元嘉十五年徵至京師立學業龍山數幸問資給甚厚除給事中不就久之還廬山二十五年詔曰前新除給事中雷次宗經明行檢自



絕詔命宜加升引以旌退素可散騎常侍又不就再  
徵至京師築室鐘山扁曰招隱猶秉笞操不入公門  
每自華林入延賢堂為太子諸王講喪服經

宋書南史宗炳字少文南陽涅陽人也性至孝居喪  
過禮為鄉閭所稱刺史殷仲堪桓玄竝辟士簿舉秀  
才宋高祖辟主簿及太尉參軍俱不就而東下入廬  
山與釋慧遠居久之還江陵三湖已而二尤卒孤累  
甚衆家貧頗營稼穡高祖數致餼賚皆受不辭其後  
子弟從祿乃悉辭不受焉高祖下書曰吾忝大寵思  
延賢彥而克宜潛處考槃未臻側席丘園良增虛佇

南陽宗炳周續之竝植操幽棲無悶巾褐可下  
辟召以禮屈之辟太尉掾太子舍人通直郎太子中  
舍人並不應悉圖所游諸山水於室壁曰老疾俱至  
名山恐難徧覩唯當澄懷觀道臥以遊之耳又曰撫  
琴動操欲令衆山皆響元嘉二十年卒衡陽王義季  
與江夏王義恭書曰宗居士不救所病其清履肥素  
終始可嘉為之惻愴不能已已

十八高賢傳張野字莘民陶淵明之姪也學兼華竺善  
屬文舉秀才府功曹州治中俱不就性孝友田宅悉  
推與第一庾之粟一味之甘分之九族躬自菲薄不



改其樂後以散騎常侍徵不就自號東臯老農

十八高賢傳張詮字季願性姿高逸帶經而鋤度

以為潯陽令後以散騎常侍徵俱不起

僧十二人慧遠慧末慧持佛馱耶舍佛馱跋陀羅道生曇

叡曇順道敬曇恒道曷曇詵

山疏釋慧遠姓賈鴈門人也受灑於沙門道安遠之

素業本沿義學兼脩禪定傍通載籍富有藻辭又當

清談之時所謂空谷之足音宐其見重於儒紳矣出

三藏記慧遠在廬山三十年影不出山跡不入俗慧

遠廬山集初桓玄篡立劉裕興義兵攻之玄挾安帝

走江陵劉毅何無忌破江陵奉帝東還無忌勸師迎

候師稱疾詔書勞問敕江州二時給米資奉遠上書

曰釋慧遠頓首陽月和煖願御膳順宐貧道先嬰重

疾年衰益甚猥蒙慈詔曲垂光慰愧懼之深實感于

懷幸遇慶會而形不自運此情此慨良無以喻詔答

曰塗中感懷知所患未佳情甚耿耿去月發江陵在

道多諸惡情遲遲兼常本冀經過相見灑師既養素

山林又所患未痊邈無復因但增其歎恨耳慧遠年

譜安帝屢詔師輒稱疾義熙五年就賜御輦以便出

入神僧傳鳩摩羅什贈遠輸石雙口澡瓶遺偈一章



黃山谷遠灑師持律清苦過中不受湯蜜而作詩換酒飲陶彭澤送客不過虎溪而與陸道士過溪大笑而別蓋能不為律所縛云唐書李蔚贊佛說入中國華人之謫誕者又攘莊周列禦寇之說佐之層累架騰直出其表以無上不可加為勝妄相誇脅而倡其風十八高賢傳慧持者遠之弟也冲默有遠量長八尺精究經論為廬阜三千僧冠後入蜀住龍淵寺旋又它適不知所終高僧傳宋宣和間嘉州暴風折大木中有定僧焉其鬚髮蔽體瓜甲繞身一匝矣事聞詔輿至京師有西天總持以金磬出其定問其世族曰遠灑師弟慧持也遠公在平總持曰遠公死七百年矣因問今將何之曰陳留遂復入定詔送歸陳留以三頌死和尚贊七百年定誑惑斯人一念能超天下橫行

山疏佛馱耶舍梵僧也嘗至蓮社舉鐵如意示慧遠不悟即拂衣去王子充曰當是時禪學未入中國而兆已見於此矣蓮社之僧此其最高歟

十八高賢傳道生鉅鹿人嘗於虎丘聚石講涅槃經石為之點頭

曇叡晚居建康烏衣寺彭城王義康遺之貂裘叡以



為禪義康陰使人以錢三十萬買之不從謝靈運常就叡問經中奇字

遣敬王羲之之孫也年十三隨從祖凝之守江州因就遠出家未霜瑩然德望尤著

曇詵能別鳥獸毛色鈍銳之性草木善惡甘苦之味

**高僧傳**伽提婆梵僧也慧遠請入廬山出阿毗曇及三澣度等經

**高賢傳**辟蛇聖者慧遠弟子也不知所從來而善辟蛇

**廬山雜記**遠澣師結白蓮社以書招陶淵明淵明白

弟子性嗜酒澣師許飲即往矣遠許之遂造焉因勉以入社淵明攢眉而去當是時范甯守豫章遠請入社甯不從

出三藏記謝靈運恃才傲物見遠肅然心服**高賢傳**

靈運求入社遠以其心雜拒之嵩仲靈抄書記靈運

欲入社遠拒之曰子髮纒而鬚美面與身戾非令終之相請多行陰德戒飭三年而後可靈運怒曰學道

在心安以貌耶遠笑而不答**高僧傳**盧循據江州嘗

詣遠遠與之忻然道舊或諫止之遠曰佛澣情無取

捨豈不為識者所察



皇明學士宋濂跋匡廬結社圖匡廬十八賢圖一卷  
其二人相向立一人戴黃冠手持衣袂揚眉欲言者  
道士陸脩靜也一人歛容而聽之者灋師慧遠也一  
人冠漉酒巾被羊裘策杖徐行而蕭散之氣可掬者  
陶元亮也一人躡屩握衣笑指元亮者畢穎之也一  
人執羽扇宴坐芭苴林下者慧遠之弟慧持也一人  
與持對坐合爪豎二指者僧跋陀也一人俯仰其手  
操塵尾斜拂坐陀下者宗少文也一人居持右低肩  
作禮為貌甚恭者僧曇頓也其三人皆披巾一人持  
鐵如意一人展卷讀一人美頰而反顧者則劉程

雷仲倫周道祖也餘則余忘之矣高僧傳畢穎之新  
蔡人百二十三人之一也

有慧遠影堂

南唐元晫影堂記一真絕跡諸灋本無不憑有有之  
緣孰究空空之理慧遠灋師外則詩書禮義接引群  
機內則戒定慧解入真實際在替影堂猶多毀圮晉  
帝之龍輿雖在石門之鴈塔將隳大吳大和一年詔  
改封平原王為德化王移鎮九江既求民瘼仍奉佛  
乘擁旆二林栖神真境復陳香鍊大會緇徒迴步師  
堂俯仰良久眷言重構益展清規輝華若天界飛來



儼麗狀龍宮湧出駕瓦叢翠晝凝松檜之煙寶鐸叮  
噹夜泛蓮花之漏一千年之氣貌粉繪重新七百載  
之車輿安藏未固

十八高賢影堂

山疏影堂以祀前十八賢中有僧慧元不知何許人  
傳亦不載又慧遠年譜歲庚寅劉遺民著發願文辛  
卯王羲之曾孫道敬始出家庚戌劉遺民端坐而逝  
辛亥道生始入社壬子佛馱耶舍始入社疑此十八  
賢者乃後人所追叙非一時發願之人也

無名氏題影堂白蓮社中朝士六人山庭月角紆神

岸幘無後先無彼此傲然有輕軒冕外塵埃之態沙  
門十二人雲標鶴格赤髭碧臚無海番無華夏飄然  
有利群品出世間之度千古之下聞其風者莫不起

虎溪

山疏虎溪在東林寺前上有三笑亭

高賢傳慧遠送客不過此溪過則虎輒鳴吼嘗送陶

靖節陸脩靜不覺過溪虎鳴吼相顧大笑世

傳為虎溪三笑

宗伯學士郭正域詩三公出此橋拍手笑何事賺

出遠公來稱却陶劉意

宋景濂跋匡廬結社圖此脩靜即所謂簡寂先生者



也宋樓鑰曰以吳筠簡寂觀碑考之脩靜與慧遠相去久遠似非其人王禕經行廬山記慧遠卒於晉義熙十二年丙辰年八十三脩靜歿於宋元徽五年丙辰年七十三丙辰相去六十載推而上之脩靜生義熙四年丁未慧遠亡時脩靜纔十三歲宋元嘉末脩靜始來廬山是時遠公死已三十餘年靖節死二十餘年安取所謂三笑乎或曰晉蓋有兩脩靜也自蘇長公作三笑圖贊曰晉太史以此三人實之蒲傳正劉巨濟晁無咎陳舜俞皆有述此是非之未決者耶蘇東坡書三笑圖後近於士人處見石恪畫此圖

人者皆大笑至於冠履衣服手足皆有笑容其後三小童罔測所謂亦大笑世言侏儒觀優而笑或問其所見則曰彼豈欺我哉此畫正類此寫呈欽之兄想亦當捧腹絕倒撫掌胡盧冠纓索絕也

蘇東坡三笑圖贊彼三士者得意忘言盧胡一笑其樂也天嗟此小子麋鹿狙猿爾各何知亦復粲然萬生紛綸何鄙何妍各笑其笑未知孰賢

冰壺聰明卓錫三泉

陳舜俞廬山記遠與殷仲堪論道殷才辨縱橫遠指流泉謂之曰君侯聰明若斯泉矣



周景式廬山記遠濩師遣諸道人行十地息此而渴  
濩師以杖掘地泉出天旱濩師令道人讀海龍王經  
泉中有物如蛇而角騰去須臾即雨  
鬼壘牆蓮花漏金文殊蘇白堂

遠濩師傳遠建寺時鬼夜為之壘牆

慧遠年譜遠弟子慧要立芙蓉十二葉於泉水中因  
波轉以定十二時

遠濩師傳初陶侃刺廣州有漁者得金文殊像於海  
上阿育王之所造也侃送諸武昌寒溪寺及侃督江  
州使迎像來江州積十力不能動此入舟舟又轉  
遂已其後東林寺成遠默顙之像冷然自至遠為之  
建閣以祀之

蘇白堂以祀香山東坡已上竝廢不存

東林律寺也其後禪學興禪者乃繼居之曰虎谿菴主曰  
自遵正覺禪師曰常總照覺禪師曰慧圓上座曰覺海濩  
因菴主曰濩閣上座曰巴菴道顏禪師高雅之士文藻之  
僧亦寄寓焉

雲溪友議唐韋舟與詩僧靈徹為忘形交舟為江西  
觀察使徹寓東林舟以詩寄之曰王事紛紛無暇日  
浮生冉冉只如雲已為平子歸休計五老峯前必共



聞徹酬曰年老心閒無俗慮麻衣草坐亦容身相逢  
 盡道休官去林下何曾見一人雞距集韋丹與靈澈  
 唱和詩什頗多韋序曰徹公近以匡廬七詠見寄皆  
 麗絕于文圃七詠者蓮花峯石鏡虎跑泉聰明水白  
 鹿洞鐵船峯康山廟也徹寄包侍御詩古殿山陰花  
 木春池邊跂石一觀身誰能來此焚香坐共作廬峯  
 二十人權德輿酬徹上人詩蓮花出水地無塵中有  
 南宗了義人已取貝多翻半字還將陽談論三身碧  
 雲飛處詩偏麗白月圓時性本真更喜開緘消執惱  
 西方社裏舊相親徹後不久亦去權文公有送徹上

廬山回歸沃州序

長慶集白樂天於東林寺經藏中見遠大師與諸文  
 士唱和集卷其後亦以所著文二千九百六十四首  
 為六十卷納于藏中約不僭外客不出寺門今並不  
 存

山疏中峯本在東林時趙子昂馮海粟皆與徃來本  
 嘗著金剛經畧義以遺子昂見超義邃解金剛者皆  
 不能及其所居菴凡以十數皆名幻住其作菴也馮  
 趙至為之躬運土木以執役云

其石劖李虞二碑及趙刻



山疏李邕虞集東林寺二碑在寺東山麓多剝落嘉靖乙卯戶部主事田汝麟始構亭覆之趙孟頫所書本中峯脩東林寺疏斷碑在寺內

藝文

唐李邕東林寺碑古者將有聖賢必應山岳尼丘啓於夫子鷲嶺保於釋迦衡阜之託思天台之樓顛豈徒然也故知土不厚則巨材不生地不靈則異人不降陰騭潛運玄符肇開宿根果於福庭大事萌於淨土其來尚矣東林寺者晉大元九年慧遠灑師之所建也世居鴈門樓煩俗姓賈氏童妙神悟壯力精博

初涉華學不讀其聖之書中留梵經尤邃是田之說嘗就恒岳觀止道安火遇於薪玉成於器雖根種諸佛而果得一時師子吼言載聞順喻維摩詰答更了空門安住四依脩捨二灑和尚歎曰吾道行者惟此人焉屬朱序尋戈緇徒逃海道由茲嶺冥契宿誠謂其徒曰是處崇勝有足底居居地若無流泉曷云灑宇大雄神廟特異蓮峯結跏一心開示五力以杖刺地應時涌泉旣荷殊祥因立精舍堅臥禁戒弘演妙乘浮囊毒流木鐸正教普唱南部轉覺後人以智慧力斷煩惱鎖由是真僧益廣妙供日崇隘其本圖弘



其別業乃進自香谷集坂安棲卽曇現之門生隣慧  
末之阿若相與撰平圃踰層岩在山之陽居水之右  
經其始而未究其末有所而未處其勞當是時也  
桓玄司人柄幹國鈞以福莊嚴因橋檀施書日力之  
費盡土木之功繚垣雲連厦屋天聳如來之室宛化  
出於林間帝釋之幢忽飛來於空外至若奧宇冬燠  
高臺夏清玉水文階而碧沙瑤林藻庭而朱實琉璃  
之地月照灼而徘徊旃檀之龕吹芬芳而秘醇相事  
畢集微妙絕時羅什致其澡瓶巧窟雙口姚泓奉其  
雕像工極五年殷堪振衣而每談盧循避席而累時

遣弘三界何止八部宅心聲聞十方足使諸天通音  
觀其育王贖罪文殊降形蹈海不沈驗於陶侃追火  
不藝夢於僧珍願苟存誠祈心通感既多雨以出口  
乍積陽以作霖則有影圖西來舍利東化或塔涌於  
地或光屬於天謝客欣味而成文劉斐詆訶而覃思  
所以山亞五岳江止四溟地憑瀆而自高物因詞而  
益重洎梁有崇禪師者傳燈習明安心樂行指拳猶  
答薪盡如生次有果暉二瀆師僧寶所欽克和止觀  
瀆物爲大用繼住持上座曇傑寺主道廉都維那道  
真等皆沐浴福河棲止淨業諸結已盡白黑雙遣衆



生可度名色兩忘繁盛名於舊人啓新意於今作重  
建雅頌遠托鄙夫代斲有慚豈云傷手握筆餘勇曷  
議齊賢但相如好仁慕蘭名而激節伯喈聞義讀曹  
碑而羨能儻青色於藍水寒於木非曰能也固請學  
焉其詞曰靈山兆發真僧感通刺泉有力呵神致功  
灑曹外演禪心內融性除偏執門開大空瞻禮雲集  
底居峯薄越嶺圖勝降平規博信臣檀施護供興作  
大起重階廣延阿閣嚴幢涌出寶塔飛來尊容月滿  
灑宇天開化城改築道樹移栽松清梵樂石蔽花臺  
金容海游灑宇山薦毒龍業消漁子心變萬里西傳  
一時東現華威異聞穹厚驚盼遠實灑主謝惟  
光頌累彰德名增益助起江山聲流金石一言可述  
千載相激了性了義或古或今止持紹律定慧通心  
觀物情至懷源道深敢憑淨業末紀禪林

宋謝枋得脩白蓮堂疏詞彌陀經多有西方公據祝  
聖人壽又見東林道場天燈已放光明鬼火豈能魔  
障要識白蓮淨土世世無窮請看紅日出山朝朝如  
是前此規模窄狹今當棟宇脩崇五十三參華嚴樓  
閣有幾多富貴八萬四千寶座殿堂非一處安排居  
士辦心諸天著力豈無長者捐火宅之金銀恐有名



賢捨鐘山之屋宇且頌餘財餘粟便歌美奐美輪一  
 日圓成八方讚歎七寶布施好留我佛國因緣萬代  
 流傳盡道是君家福德脩諸天閣疏蓮社虎溪是灑  
 雲地善談慧地華嚴龍海化初利天兜率陀天此非  
 一蜃氣吹嘘所得成須五鳳手經營之乃可鉤心鬪  
 角共看抱地之縵迴佩玉鳴鑾不是飛雲之歌舞俯  
 視千大千世界上有二十二天人世出世間漢來漢  
 現希有希有西方天竺國飛來真如真如昨夜妙高  
 臺夢見吾為灑施汝辨肯心脩白蓮社經堂疏廬山  
 一條瀑布流到東林華峯十丈藕船種成淨社從此  
 枝枝葉葉處處田田何人不過虎溪橋是水盡入  
 宮藏此為諸佛菩薩之所護念又待最後檀那而得  
 圓明任他栽火裏几紅看我出泥中青白從聞脩竟  
 悟色香空

元本中峯脩東林寺疏答匡俗先生之隱廬山高哉  
 自樓煩大士之來吾道東矣衣崑谷為錦繡飾土木  
 以金珠宜神物之有歸豈畢方之能崇過盛必毀天  
 宮六丁而下取將舍舊圖新祝融回祿之相吾子看  
 神運鬼輸而至有天造地設之奇滔回迴波復見蓮  
 花之漏空中擲筆猶存貝葉之書雲錦九疊屏風樓



閣四時花雨風旛動處插筇竹建精藍海印發光盡  
大地皆檀越

唐李太白東林寺詩遠尋青蓮宇獨往謝城闕霜清  
東林鐘水白虎溪月天香生虛空天樂鳴不歇宴坐  
寂不動大千入毫髮湛然冥真心曠劫斷出沒又別  
東林寺僧詩東林送客處月出白猿啼笑別山僧去  
何須過虎溪

孟浩然舟中望東林寺詩挂席幾十里名山都未逢  
泊舟潯陽郭始見香鑪峯嘗讀遠公傳永懷塵外蹤  
東林精舍近日暮坐聞鐘

王昌齡送廉上人還東林寺詩石溪流已亂苔徑入  
漸微日暮東林下山僧還獨歸常爲廬峰意况與遠  
公違道性深寂莫世情多是非會尋名山上豈復無  
清機

韋應物春月觀省扁城始憇東西林精舍詩因時省  
風俗布惠迨高年建隼出潯陽整駕遊山川白雲歛  
晴壑群峰列遙天嶽崎石門狀杳靄香爐煙榛荒屢  
冒星遙側始覆顛方臻釋氏廬時物屢華妍曩遠答  
經始於茲闕幽玄東西竹林寺灌注寒澗泉人事既  
云泯歲月復已綿殿宇餘丹絳閣峭欹懸佳士亦



棲息善身絕塵緣今我蒙朝寄教化敷里鄜道妙荷  
爲得出處理無偏心當同所尚跡豈辭纏牽

黃滔東林寺雜詠平生愛山水下馬虎溪時已到終  
嫌晚重遊預作期寺寒三伏雨松偃數朝枝翻譯如  
曾見白蓮開滿池

僧齊已東林作寄金陵知己十八賢真在時來拂榻  
看已知前事遠更結後人難泉滴勝清磬松香掩白  
壇憑君聽朝貴誰欲馱簪冠

僧貫休東林寺詩赤旃檀塔六七級白菌菖花三四  
枝禪客相逢只彈指此心能有幾人知

元暉士李潤過東林寺詩風破西村雨氣昏冷冷澗  
水竹間聞山頭知有靈僊過十丈通明五色雲

副使王慎中發東林寺登廬山絕頂還過本寺留止  
年來知淨理在世比虛舟偶此同生滅因之任土

色空廬阜起禪定虎溪流已矣東林社長廊柵  
僉事俞憲宿東林寺見王遵巖壁間舊題感而次

身世元無定真同不繫舟欲隨春草去偶爲白蓮留  
冥心分梵榻濯性俯溪流惆悵題詩客蕭條十二秋

參議孫應鰲奉同雙江臬使水東藩伯夜坐東林寺  
詩雙林偶爾成三肅今日何須羨古人野雪寒衝山



影破岸梅高映月華新禪心灑界元俱幻酒醜廬熏  
且共親最勝天池看不遠相將明發陟嶙峋

常總塔遠公塔院并塔

東林寺西有常總禪師塔塔南有東林寺橋

山疏常總塔在鴈門塔東二百步骨今不存惟塔亭  
在

照覺禪師傳禪師劍州尤溪施氏子也母夢金人授  
白蓮花而生師年十一依寶雲寺兆灑師出家十九  
受具戒神觀秀異鸞翔虎視偉如也後得灑於黃龍  
南元豐三年詔升東林為禪寺南昌守王韶請

持為東林第一代祖師其徒相謂曰慧遠識七百年  
後有肉身大士改吾道場今符之矣後詔住大相國  
寺智海禪院辭不行賜紫方袍號廣慧大師元祐四  
年賜號照覺大師師宴坐處白光滿室奇香氤氳六  
年九月示疾留偈坐逝

蘇東坡贊堂堂總公僧中之龍呼吸為雲噫欠為風  
且置是事聊觀其一戲蓋將撫掌談笑不起於座而  
使廬山之下化為釋梵龍

常總塔西有遠公塔院內有遠公塔

山疏遠公塔相傳其墓門在塔南階下求樂中有人



開之見遠兀坐其貌如生焉

謝靈運慧遠上人塔銘張野序灑師諱慧遠姓賈廬門樓煩人弱而好學年十三隨舅令狐氏游問許洛二十一欲渡江就范宣子時王路尚梗有志不遂遇釋道安於關左一向定敬以為真吾師也抽簪落髮求真道場沙門曇翼每資燈燭之費安聞曰道士誠知人灑師落曠劫之神明表今生之靈智道情深遠識鑒淵遠般若無生之微道行息心之觀妙理與高悟俱徹冥宗與遠心等至安常歎曰使道流東國其

傾岩同契不命而景嚮聞道誓期於霜雪自以年至耳順足不越山桓氏以震主之權苦相屈致灑師確然貞固辭以老疾終莫能屈俄而制使沙門盡敬王者灑師懼大灑之將淪格言萬乘桓知不可強俯而順焉既道漸中山名流遐域外國衆僧咸來向禮非夫道深德廣焉能使顯默同歸異域致敬但新經未表晉地律藏歷年莫正禪灑并露國所未聞實相宗本人有異說灑師深存遠圖大接群生乃命弟子遠迎禪師究尋經本踰歷蔥嶺跨越沙漠彌曠年稔並皆歸旋胡本既得傳譯搜尋備盡灑教是故心禪諸



經出自廬山幾乎百卷又以心本無空即色三家之  
 談不窮妙實乃著灑性論理深辭婉獨拔懷抱羅什  
 見論而歎曰漢地未見斯經便闍與合若夫溫心善  
 誘發必遠言棲寄林嶺遊興能徹雖復風雲屢由而  
 無昭昧之情俯仰塵化之域遊神無生之門所謂言  
 斯可灑行斯可樂矣枕石漱流始終一槩恬智交養  
 三十餘載春種八十三命盡絕嶺遺言露骸松林同  
 之草木達生神期既於此矣古人云道存人亡灑師  
 之謂此我門徒感風徽之緬邈傷語晤之未滅敢以  
 淺見揚德金石辭曰九流垂真三乘歸佛道往絕非

慈還接物孰是發蒙昭哉慧日攝亂以定閑邪以律  
 妙灑常存悠悠莫往若人乘生皎如月朗遠賞鑒物  
 知狹知廣息心空谷訓徒幽壤秦皇雄惑蔽理通情  
 王孫偏解達死滯生夫子之悟屢劫獨明仰高契峻  
 俯深懷清惟清惟峻若隔迥絕惟高惟深志崇智潔  
 簪在香積今也明哲嗣之有人實隆廢缺捷度練數  
 甘露流津律藏弗故灑性增新凡厥希道日知好人  
 景薄命盡宗傾理湮寒暑遞易悲興阜壤穰蓬四轉  
 春鴻五響孤松獨秀德音長往節有推遷情無遺想  
 謝靈運慧遠上人誄道存一致異代通輝德合衆妙



廬山經事卷十一  
殊方齊軌答釋公振玄風於關右灑師嗣灑流於江  
左聞風而悅四海同居爾乃懷仁山林隱居求志衆  
僧雲集勤脩淨行五百之季仰紹舍衛之風廬山之  
陰俯演靈鷲之旨洋洋乎未曾聞也予志學之年希  
門人之末惜乎誠願未遂哀哉乃為誄曰於答安公  
道風允被大灑將盡頹綱是寄體靜息動懷真整僞  
事師以孝養徒以義仰弘如來宣揚灑雨俯授灑師  
威儀允舉學不窺牖鑿不出戶朗朗高臺肅肅灑庭  
旣嚴旣靜愈高愈清庶演慈悲饒益衆生盛化濟濟  
仁德怡怡生盡衆素死增傷悽三光寢晰日月沉暉  
端木喪尼哀直六年今子門徒實同斯艱晨掃虛房  
夕泣空山嗚呼灑師何時復還風嘯竹栢雲謁岩峰  
川壑如泣山林改容自答聞風志願歸依山川路邈  
心往形違始終銜恨夙緣輕微安養有寄閭浮無希  
嗚呼哀哉

唐王維遠公龕詩松路向精舍花龕歸老僧聞雲移  
錫杖落日低金繩入夜翠微裏千峰明一燈

僧靈徹遠公塔詩古墓石稜稜寒煙晚景凝空悲虎  
溪月不見鴈門僧

東林寺側有宗炳宅



廬山經事卷十一  
三十六  
山疏宗炳宅者炳在廬山時所居也已而東還其後  
劉宋時其孫宗測亦自都下來居之魚復侯蕭子雲  
為江州厚贈遺之測曰少有狂疾尋山採藥遠來一  
此量力而進松木度形而衣薜蘿益然已足豈容富  
此橫施宅今不知處

### 劉慧斐離垢園

南史劉慧斐字文宣彭城人博學能屬文起家安成  
王濛曹行參軍隱居東林寺構園山北號離垢時謂  
之離垢先生園今不知處

### 張孝秀隱居

南史張孝秀字文逸南陽宛人也為安成王別駕頃  
之去居于東林寺性通率常冠縠皮巾躡蒲履執棕  
櫚皮麈尾服寒食散盛冬能臥於石上普通三年卒  
室中皆聞有非常香氣梁太宗甚傷悼之與劉慧斐  
書述其貞白云隱居今不知處

### 裕老菴

裕老菴者宋王韶少時所嘗讀書處也菴前有  
老松樹韶賦詩云云王荆公為江東憲大加稱賞遂  
為知己菴今不知處

桑喬生曰大慧杲從容張定遠諸公問其言論皆本忠孝



遠乃謂沙門不當盡敬王者此三代英君義辟所必誅絕  
乃像而祀之何居

香谷西林寺

遠公塔西北有谷是為香谷

山疏香谷者沙門慧永結菴宴坐處也事具西林寺

語中

香谷之原有熙怡大師塔

唐許堯佐塔銘大師體識深靜風度端敏受具戒於  
南嶽脩靜律儀於東林常趺坐一空而四學者差肩  
繼踵發此柔軟納其歸依嘉言玉振微文冰釋崇德

雅美臨壇持漢垂五十年至德初隸東林寺居耶舍  
塔院大曆五年躋五老峰望彭蠡臨瀑布乃構凌雲  
精室為經行之地旁引泉竇以滌塵垢近躡松壑以  
求清涼然趨風望景攀危輦重翼如而至者難以數  
計貞元中歸東林戒壇院十二年七月召門弟子曰  
吾隨化還須更寂滅大師嘗與故大師魯國顏公真  
卿故丞相天水趙公憬故鄭滑節度使兼御史大夫  
范陽盧公群今吏部侍郎弘農楊公於陵為參禪之  
侶幽鍵洞發玄言兩得塔今不知處

劉遺民禪室



山疏劉遺民禪室在香谷北澗上今不知處  
香谷之南下有西林寺

山疏西林寺者故沙門竺曇現之禪室也竺死其徒  
慧朮自太行至潯陽因就居之太府卿潯陽陶範為  
之立寺曰西林而朮又別立菴於寺後山上以禪思  
焉當是時有二虎侍而菴又常香故名菴曰伏虎菴  
谷曰香谷泉曰香谷泉事見歐陽詢西林寺碑十八  
高賢傳云江州刺史陶範捨宅為寺非也慧朮姓繁  
河內人

高僧傳慧朮年十二服事沙門竺曇現又曰慧朮室

中有虎人畏之則驅令入山人去復還又曰慧朮感  
虎來馴

高賢傳慧朮道業不下遠公而真素自然尤勝於遠  
將軍何無忌嘗與二宿集於虎溪遠既久馳名望從  
徒百餘雍肅有序朮衲衣半脰荷錫林下飄然而來  
無忌顧謂眾曰清散之風多於遠矣唐韋丹懷朮公  
詩空山泉落松窻靜閒地草生春日遲白髮漸多身  
未退依依長在朮禪師

十八高賢傳慧朮塔在寺西二百步

唐顏魯公題誌唐末泰丙午歲真卿以疎拙貶佐吉



廬山雜事卷十一  
三十九  
州夏六月癸亥與殷亮常伯尼賈鎰揚鵬懋于西林  
寺有灑直律師深究清淨毘尼之學卽律祖師志愚  
之上足余內弟正義之阿闍黎也緬懷遠現二公之  
遺烈導余躋重閣示余以張僧繇畫毘盧佛像梁武  
帝蹙線綉鉢袋因寓題歐陽公所撰碑陰魯公顏真  
卿記今不存

寺側有蕭存隱居

蕭存者文元先生蕭頴士之子也仕爲金部員外郎  
以惡裴延齡棄官去歸廬山子求爲邑南從事女嫁  
柳中庸韓文公愈少時爲存所知其後愈自袁州入  
爲祭酒經廬山過其山居存諸子皆凋謝惟二女在  
爲尼江州愈題其碑曰中郎有女能傳業伯道無  
兒可保家今日匡山題舊隱空將衰淚對煙霞

藝文

隋歐陽詢西林寺碑蓋聞不生不滅圓照偏知無去  
無來冥機虛寂言語旣窮心行亦斷利見鹿苑興痛  
誘之權倚迹鷲山導汲引之路一音稱物隨類得解  
三達教闡迷途自識慧日騫幽灑雨遐濟德暢忍土  
是謂能仁然喻月譬鏡宜有隱顯彷彿宗極抑資圖  
鑄道冠域中金剛爲大故神塔湧見靈刹相望先有



曇比丘俗姓竺氏本爲趙將知苦器之難安悟浮生  
之易盡以榮利爲桎梏祝名聞爲羈絆屏棄諠說專  
脩冥寂虛舟觸遠津度罕槩玄風獨肩息心無侶匡  
阜北嶺地接層峰日月之所縈迴雲霧之所蒸液激  
白水於紫霄照離暉於石鏡南瞻五嶺北睇九州貞  
遯忘歸幽棲是卜灋師秉心萃止負錫來儀樹宇山  
間游情梵表及遷卽化藉草岩間有息慈慧永河內  
繁氏高足稱覺師物匠儀無虛位理必淵溼服遺御  
身弘善被物形性兩忘寃親等觀故異香入室猛獸  
馴階紹脩缺業安禪結宇管光祿卿潯陽陶範慕安  
清聲游茲勝地崇信正道擁篲式閭爲出俗之藩籬  
爲入室之櫛櫪興建佛事締構伽藍指景瞻星鳩徒  
揆日薙草開林增卑架巘夷峻築臺疏巖抗殿長廊  
繞澗斜砌環池冬燠夏涼經行畢備命曰西林是歲  
太和之一年永公化緣將盡曾無憂生之嗟冥照幽  
通豈若逆旅之舍其日山房晦寂側塞幡花洞戶凝  
深鏗鏘音樂懽喜合掌奄然終謝年八十三灋師運  
載群品舟梁大灋翮羽蠢族咸知締向賈遠灋師德  
高人世道被幽冥能屈萬乘之尊申其再三之敬相  
望江海獨在伊人言發響依契同符合自爾或定接



式龍象咸泊感不虛至功有歸焉但年代推薄寺宇  
凋敝慧缺禪師太原王氏世歸至德物仰高韻為善  
終日匪憚劬勞自東徂西興建佛事爰自金城至于  
淮水亘陸遵渚莫匪教門宅古栖空因心自遠虛室  
生白房櫳引靄四部翹誠頭目頂禮禪師報云欲於  
道場營建七間重閣勸募之侶咸百其誠以大業二  
年爰成匠人匪日斯就逶迤飛閣秀出干霄延袤層  
軒俛視無地爐香與峰雲共鬱鐘聲與幽谷合響有  
頃達公往長沙模寫瑞像及刻優填王像卽輕舉扁  
舟俄而旋返所造灑身光相殊特勢超鎔楷功踰琢  
磨丹牖競姿紫銑爭耀力雖人就妙乃神輸大業七  
年達公寂滅次有東林道生灑師樹明因於往劫襲  
慧果於今生忘已濟物纂修厥緒寺僧智正以為樹  
道風於長世詒德範於來葉莫若勒茲紺碣題以玄  
碑寓言雕篆稽首作頌乃為銘曰二儀肇判萬品流  
形恩愛煩惱繽紛靡寧三彰四倒瘴惑焦明十纏九  
結寵辱相驚逴迴三界輪環四生慾流長驚薪火不  
停誰其拯物獨有能仁紆情緯識卽果明因開方便  
門示彼玄津雨大灑雨洗滌深塵佛日雖隱弘道在  
人爰有開士粵來萃止鏟跡銷聲為灑忘已置想依



空求真得理異人載挺大漚舟航希踪祇樹標建道  
場披榛翦棘抗陸浮梁切漢干霄含星浴日岩谷虛  
靜林樹閒謚宴坐經行道糧權實灑門無二義揆歸  
一總駕大乘終始竟畢像教有形取諸相質靈宇方  
固金剛不遷希夷至道緬貌遐年須彌有盡灑炬長  
燃咸慕偈讚敬勒雕鐫

韋應物題從姪成緒西林精舍書齋詩棲身齒一作始  
多暮息心君獨少慕謝始精文法僧欲觀妙冽泉前  
堦注清池北窻照果藥雜芬敷松筠疎舊峭屢躋幽  
人境每肆芳辰眺採栗玄猿窟一作芝丹林嶠紆衣一作

美其蔬食非饑療雖甘此巷單一作單 豈塞青紫耀君

有優賢榻朝編貢士詔欲同一作求 朱輪載勿憚移文

請

曾無可獲夜宿西林寺寄賈島詩暗蟲喧暮色默思  
坐西林聽雨寒更盡開門落葉深谷因京邑病併起  
洞庭心亦是吾兄弟遲回共至今

伍喬西林寺水閣詩竹翠苔花遶檻濃此亭幽致詎  
曾逢水分林下清冷派山峙雲間峭峻峰怪石夜光  
寒射燭老杉穗韻冷和鐘不知來往留題客誰約重

尋蓮社蹤



廣福觀

香谷之西有廣福觀

山疏廣福觀以祀匡續先生在香谷西一里所

周景式廬山記匡續者周威烈王時人張僧鑒廬山

記定志經周武王時人古潯陽記匡續者老子之弟

子諒章舊志字君平夏禹之苗裔也

真僊通鑑初先生高隱於虎溪之上已而僊去其後

漢武帝南巡狩詔立祠於舊隱慧遠立東林寺時遂

遷祠於山口之乾維天寶中嘗使復致齋保大中節

度使周宗奏賜田一所治平中改祠為觀賜額

每郊祀降祝版州遣倅貳往涖祀著為令紹興三十

二年以避德壽宮號改廣福觀仍賜額先生在時人

重其素德名其鄉曰先生鄉社曰先生社今其名猶

未泯云

宋末嘉守謝顯廣福觀碑謹按古潯陽記先生名續

字子孝周時師柱下史老聃得久視之道結茅於南

鄣虎溪之上脩練七百年定王嘗問柱下史伯陽父

方今神僊之在世者伯陽父舉五岳諸僊以對先生

其一也王召之日先生不見後二百載威烈王復遣

使以安車迓之未至之二日白日輕舉使者訪其隱



廬山紀事卷一  
所僅有草廬焉回奏因命南鄣山為靖廬山邦人以  
先生姓呼匡山又曰匡阜至今其鄉若社因先生而  
命名虎溪由是為三十六福地漢初以濤之天柱為  
南嶽鄣山為之貳武帝元封五年南巡狩登記天柱  
嘗望秩焉既而射蛟潯陽江中顧問此山何神也有  
對以先生成道此山者由是封為南極大明公建中  
靖國初封為靖明真人

豫章志慧遠記並具山紀中

真僊通鑑第七卷漢匡裕字子希少以孝悌著召聘  
不起委心學道遊諸名山至覆笥山山頂有胡桐


里多靈草異物不能盡識有石鴈春穰時能群飛  
傍有石井及小石笥藏玉牒記名山福地及得道  
人姓名俗後服食得僊山疏真僊通鑑匡俗匡續並  
載而事迹絕殊似為二人然今人多混稱蓋其人則  
古之逸民時遠世殊紀載無稽野史之譌俚俗之傳  
固莫得其實也

真僊通鑑先生輕舉之後上帝命司吳楚水旱賜主  
瘟之印統攝八部瘟神俗因稱為和瘟先生水旱疫  
癘則禱之

九江志匡續墓在瑞昌縣歸義鄉匡葬山



唐山紀事卷十一



唐山紀事卷十一

文政書院



九